


PAMFLET

775



7
b

7

12 57
**Verclaringhe des Coninc/
voor de executie van zijn Placcaet vande maent
Julij 1585. roerende de vereeninghe van syne Onderlaten/
mette Catholijcke Apostolijcke ende Roomsche
kercke.**

Ghepubliceert te Parijs int Parlement den dyentwintichsten
dach Aprilis 1587.

Wt den Fransoysche in Nederlandtsche sprake ghetrou-
vvelick ouerghefet.



Tot Delft /

By Aelbrecht Hendricksz. Ordinaris gheswozen Drucker
van syne Excell. ende der Staten s'lands van Hollandt.
Anno M. D. LXXXVII.

50.



ENRICK door Godes ghenade
Coninck van Brancckrijck en van Polen/
Allen den ghenen die dese teggenwoordi-
ghe letteren sullen sien / Saluyt. Zedert
de publicatie van onsen lesten Placcate
bande maent Julij 1585. by twelcke wy
hebbē verbodē in onsen Coninckrijcke en
Landen van onser onderdanicheyt d'ex-
ercitien van anderen Religie / dan vande
Catholijcke Apostolijcke en Roomsche:
hebben wy d'executie daer van aengeno-
men met sulcken puer/allen vpericheyt en
neersticheyt als ons moghelijck is ghe-
weest / sonder versuymenisse eenigher saken die van ons moesten com-
men/als ghenoech bleke byde groote macht van wapenē die wy vvoor-
leden Jaer te wercke ghestelt hebbē teghē de ghene die sich niet wape-
nen gheopponeert hebben teghen onsen wille: en by verscheyden ver-
claringen die wy hebben gepubliceert / byzien die wy hebbē gheschre-
uen/d'expresse en dickwils vernieuwde beuelē/ mandementē die wy tot
desen eynde gedaē hebbē / aenden Gouverneurs en Stadthouders ge-
nerael/Baillieus/Seneschallē vā onse Provincie/en andere onse Rich-
ters/en Officiere vā plaetsen: Hebbēde daer toe seer mildelijck verstreect
onse beste penninghen en middelen sonder de selue eenichsins te sparē/
bouen de ghene daermede wy gheassisteert zijn gheweest/ soo wel byde
Gheestelichheyt van onsen voorsz Coninckrijcke / als van andere onse
goede en ghetrouwē onderlaten / om te betalen onse voorsz macht ende
heerocrachten / daer deur wy wederghebracht hebben in onse onderda-
nicheyt veelē steden en plaetsen / ende in de selue wederopgherecht den
dienst Godes/jae dat meer is/ vande besmettinge der heretijcken gant-
schelijck gereynicht sommighe Provincien van onsen voorsz Coninck-
rijcke / daer mede sy gheduerelijcken hadden besmet gheweest zedert
die eerste troublen/ tot nu toe/ met groot verheughen en ruste van onse
goede ende ghetrouwē Catholijcke onderlaten inde selue residerende.
Wy hebben oock ghewilt tot dien eynde versoecken en beproeven den
wech der soetichheyt en goedertierenheyt/ die ons altyt ten hoorchsten en
besonder is gherecommandert gheweest/bysonder teghē onse onderla-
ten / om weder te brengen inden schoot der kercken de ghene die hun
daer van hebben afghesondert / ten eynde wy hadden moghen vercor-
ten desen krijch/ tot verlichtinghe van onse arme ghemeente / die daer
suchten onder den last desselks/ en niet eenen te schouwē de periculen en
onghelucken waer mede die voorsz krijch is d'ringende ons voorsz Co-
ninckrijcke. Hebbende de Coninginne onse seer waerde Vrouwe ende
moeder

mo
hell
Ca
ten
sch
He
affe
sch
en
ner
gh
W
Ju
gon
vo
sch
de
cre
lae
Ca
va
ge
bi
he
be
di
be
lij
si
G
re
ie
n
p
ri
G
ti
n
b
d
f

moeder seluer in haren grootē onderdom wel willen aennemen en om-
hellen het vervolgh van desen om den grooten ijuer die sy heeft tot der
Catholijckische Religie / en hare onwisprekelycke gheneghentheyt tot-
ten ghemeenem welbaren van onsen voorsz Coninckrijcke / verghele-
schapt wesende van sommighe Princen Officieren van onser Croone /
Heeren en ander persoonen van onsen Rade / alle seer puerighe en ghe-
affectioneerde tot onser voorsz Religie / waer inne sy beproeft heeft ver-
schepden middelen niet veel meerder arbejts en verdriets / dan profijts
en ghenoege / om der verhertheyt en hercneckichejts wille der ghee-
ner waerniede sy te doene hadde / en daerniede deselue by heure dwalin-
ghen wilden bliuen / en in heure opinie inde voorsz Religie volherden.
Welcken aenghemerct / ende dattet noodich is dat het sweert van onse
Justicie volbuere dit goede werck dat wy voorgenomen en soo wel be-
gonnen hebben / voorsz de ere Gods ende de ghemejne ruste van onsen
voorsz Coninckrijcke / daer van wy noyt en hebben ghedacht ons te
schepden / ezedert de publicatie van onsen voorsz Placcate: Begheeren-
de daer om aen te bangen en te vervolgen de volcomen en werckelicke
executie vanden selue meer dan opt te vooren. Ende mitsdien de voorsz
saecke gheleet hebbende in deliberatie inde teghenwoordicheyt vande
Coninginne onse voorsz Vrouwe en moeder / vande Princen en Heeren
van onsen Rade / neffens ons wesende / en van veel andere waerde en
gequalificeerde personnagien hier toe gheroepē / met haren raedt en ad-
vijs / en dooz onser volder macht en Conincklijcker auctoriteyt: Soo
hebben wy verclaert en verclaren by desen alle onse onderdanen vande
voorsz nieuwe opinie / van wat qualiteyt ofte condicie sy moghen zijn /
die hen te were ghestelt hebben om te verhinderen d'executie van onsen
voorsz Placcate / de ghene die heur aenhangen / en insgelijcx de Catho-
lijcken die hen niet hinhjden gheboecht hebben / gheholpen en gheaf-
sisteert / helpen en assisteren niet heure persoonen / raedt / middelen ende
goederen / die hen sullen onthouden en innemen / herbergen en in heu-
ren hupen ontfanghen / achterhaelt en ouerwonnen *Crimine lese Ma-*
iestatus: Willen dat sy voorsz sulcke ghestrafte en ghecastijdt sullen werden
na ghelegentheyt der saken / en hare goederen geconfisqueert tot onsen
profijte / en wederghebrocht tot onse domeynen. Ende niettemin alsoot
redelijcker is om te vervallē d'oncostē vander oorloge die wy bedwon-
ghen zijn hem aen te doene / dat wy ons meer behelpē mette vercoopm-
ghe haerder goederen / dan daerniede te belasten onse arme onderfa-
ten: Willen en ordonneren wy / aenghesien het is voorsz het hoochste ghe-
meene bestē vanden staet / niet tegenstaende de voorsz wederbrenginge
van sommighe van heure landen ende heerlickheyden tot onser voorsz
domeynen promptelijck wordde gheprocedeert totte vercoopinghe van
hare ondoerende goederen / ende seluer vande ghene die der voorsz we-

derbrenginghe en voeginghe onderworpen zijn / niet teghenstaende de wetten ende ordonnancien van onsen Coninckrijckē ter contrarien / de welcke wy voor dese reyse (sonder sulcx meer te treckē in consequentie) om den noot van onse saken / hebben ghederogeert ende derogeren by desen. En om te meer te vorderen het inmercommē twelck wy daer van verhoopen / soo willen wy dat promptelick gheprocedeert sal worden totte vercoopinge vande opgaende boomē totte voorsz heerlichheyden behoorende / sonder dat deselue verachtet sal mogen worden door d'oppositien vande crediteurē / behoudelick dat andere genoeghsame grondē vā erfuen bliuen onder de goeden vande ghecondēpneerde / voorde betalinghe vande voorsz crediteuren. En aengaende de vercoopinge van andere onroerende goederen / op dat deselue mach gheschieden sonder te prejudiceren onse gherechticheden en van eenighe particuliere / Willen en ordonnerē / al eermen sal procedereen totter vercoopinghe en aenwysinghe der seluer / dat by onse Rechters vāder plaetsen scheydinghe sal wordē ghedaen vande portie die genoeghsaem sal wesen voor de betalinghe der crediteurē / nade rechte en wettelijke prijsinghe die daer van ghedaen sal worden totte waerde toe vande voorsz gherechticheden en schulden / welcke deel en portie den crediteuren ouergelaten sal wordē voor hare verseeckeringe en particuliere hypotecke : en tot dien eynde sullen de crediteuren ghehoudē zijn aen te brengen binnen beerechden daghen na de publicatie van desen inde griffien vanden Bailliuschappen en Seneschallschappen (in soo verre de voorsz crediteurē zijn woonachtich binnen den resorte en bedrijue der Bailliuschappen ende Seneschallschappen / ofte binnen een maent soo sy woonachtich zijn bytē den voorsz bedrijue / de bewijsen / schriften / obligatien en andere stucken / daer mede sy hare acten dencken te bevestighen / om daer van sulcken oplicht te nemen als behooren sal. En omme te verhoeden d'abuyten dier mochten gheschieden ter oorsake vande voorsz schult / Wy en willen noch en verstaen niet / dat andere schulden sullen aenghenomen worden / dan de ghene daer van d'obligatien sullen gheleden zijn voor Notarissen / ofte die wettelicken sullen ghemaecht gheweest zijn voor date van onsen voorsz Placcate vande maēt Julij / sonder bedroch en byten suspicie van gheantidateert oft veroudert te syne. Daer van de crediteuren sullen betaelt worden / soo wel vande vruchten vanden landen en incompsten vande voorsz ghecondēpneerde deses teghenwoordighen Jaers / als vande voorsz goeden die ghedistrahert sullen wordē / soo verre de vruchten niet ghenoechsaem en zijn : Tselue willen wy dat gheobserueert sal wordē ten respecte vande verschietingen / soo verre daer eenige ter goeder trouwen sullen ghedaen zijn aende eyghenaers byde pachters der voorsz landen en incompsten / en Cooplieden der voorsz boomen op heuren pacht en hout coop / behoudelick dat sy ghehou-

ghehouden zijn daer van te brenghen quitaucie ghepasseert voor Notaris voor date van onsen Placcate / ende niet onder de signatuere van eenighe particuliere. Ende soo veel aengaet de Catholijcke vrouwen / waer van de mans sullen vervallen zijn inde penen vermelt in onsen voorsz Placcate / Willen en ordonneren wy / dat gheduerende het aenlaen der goederen van heure voorsz mans dat haerlieden by onse ordinarise Richters provisie verleent sal worden op de goederen van haerlieder voorsz mans voor haerlieder onderhoudt / en van hare kinderen naer heurlieder qualiteyt / waerde der voorsz goederen / en ghetal der voorsz kinderen / met beuel van deselue te doen onderwijzen en opbrenghen inde Catholijcksche Religie / en van heure mans niet te mogen helpen noch assisteren / op pene van te vervallen en gheprieuert te worden vande voorsz provisie. En inghevalle van vercoopinghe der voorsz goederen roerende en onroerende van hare voorsz mans / hare houwelycke voorzwaerden sullen haerlieden gheheelijck geconserueert worden. En aengaende de ghehoude vrouwen / die niet en sullen willen ghehoorsamen onsen voorsz Placcate / Wy beuelen en ordonneren haerlieden wt onsen Coninckrijcke te vertrecken binnen een maent / te verrekenen vande daghe der publicatie van desen in onse Soubereyne Hoven onder den bedrijue der welcker sy sullen zijn gheseten : en by ghebreke van dien / willen wy dat teghen haerlieden gheprocedeert sal worden na rigeur vande voorsz Placcate / En dat ouer sulcx tdeel vande gemeene goederen heurlieden toebehoorende / insghelijcx heure eyghene sullen worden aenghetast en gheappliqueert t onsen profijte / sonder prejudicie der gherechtichede toebehoorende haerlieder mans vermogens de houwelycksche voorzwaerden en costume der plaetsen. En nopende den onghehouden vrouwe die niet en souden willen ghehoorsamen onsen voorsz Placcate / oft de ghene die niet en sullen vertrocke zijn binnē een maent wt en Coninckrijcke / Willen wy dat insghelijcx teghen haerlieden gheprocedeert worde / ghelijck wy gheordonneert hebben te gheschiede ten regarde vande mans. En aengaende de ghene die ghestoruen zijn / ofte naemaels sullen moghen steruen / voerende de wapenen teghen ons / Willen oock dat gheprocedert worde teghē de selue / na rigeur van onsen voorsz Placcate : Tot ons behoudende nochtans heure kinderē die Catholijck zijn te gratificeren niet sulcken deel van hare goederen als ons goetduncken sal. En int aensien der onbejaerde kinderē / waer van de vaders en moeders onderdanighende onsen Edicte vertroocken zijn wt onsen Coninckrijcke / en ouerleden zijn alvooren dat sy verwozen hebben hantlichtinghe van heure goederen / Willen wy / soo sy tot hare Jaren ghecommen zijn / dat hui handlichtinge gheschiede der aengeslaghener goederen. Voorbehoudens dat sy Catholijck zijn / oft dat sy willen verloochenen en doende professie ghedragen by onsen Placcate.

blijuende niettemin de vruchten der ghesaisseerde goederen en eruen tot
onsen profijte/totten daghe toe vande presentatie vander afswearinghe
die sy sullen hebben ghedaen. En aengaende de onbejaerde kinderen/
sullen deselve versorght worden by onse Procureurs van Catholijcke
Doochden/en die altydt Catholijckelich sullen gheleest hebbē voor date
vanden Placcate van vereenighe / om de voorsz onbejaerde kinderen
te doe onderhouden en leeren inde Catholijcke Apostolijcke en Room-
sche Religie/ ende sulcx gheschiedende sal hunlieden gegheuen worden
handtsichtinghe vā hare ghesaisseerde goederen/ en vande vruchte van
hare innecommen verscheuen zedert rouerlijden van hare vaders en
moeders. En want wy wel en ten vollen gheinformeert zijn/ dat veele
en verscheiden personen/om te conserueren hare goeden/ hebben pro-
fessie ghedaen vande Catholijckche Religie/ alleenlich by forme van
quijtaige/sonder ghedaen te hebbē tzedert hare voorsz professie eenighe
acte van eenen trouwen Catholijcke / hunlijden latende bedencken
ghenoech te doen metten wtwendighē schijn/ onder den welken sy ge-
meint hebben te moghen ontsaen de straffe van onsen voorsz Placca-
te/ daer teghen wy verstaen ghedaen te moeten worden ander en veel
sekerper inquisitie van vande ghene die opentlick dragen de wapenen
teghen ons: Willen en ordonnerē wy/ dat alle de ghene die hier te voer-
ren hebben afghesworen/ en ghedaen professie des gheloofs/ sullen ghe-
houden zijn te doen bliicken voorde Rechters vande plaetsen / by wet-
tighe attestatie van hare Pastoren/Vicarissen/Kerckmeesteren/ ofte an-
dere notabele personen / dat sy tzedert de voorsz afswearinghe en pro-
fessie altyts Catholijckelich gheleest hebben/ ter Misse ghegaen/ en ten
Godlijcken dienste / Auontmael en heur Paesschen ghehouden / mette
ander Catholijcken opte daghē byde Kercke gheordonneert/ en voorts
volhert inde exercitie vande Catholijcke Apostolijcke en Roomsche Re-
ligie/sonder ghedaen te hebben eenige acte contrarierende de voorsz pro-
fessie: En by ghebreke van sulcx te doen binnen veertien daghen nade
publicatie van desen/ sullen verclaert worden vervallen te zijn van the-
necie van onsen voorsz Placcate / en dien volghende sullen heure goe-
deren aengheslaghen/ en sal anderlins teghen henlieden gheprocedeert
worden volghende t'rigueur vande seluen Placcate. En soo verre onder-
vonden mochte worden dat sylieden ter plaetse daer de vrije exercitie is
der Catholijcke Religie hunlijden der seluer hadden onthouden een
gheheele maent sonder Misse te hoozen/ wtgesondert cranckte ofte an-
dere wettelijcke verhintringhe/ sullen ghestraft worden door afnemin-
ghe van alsulcken deel en portie van haren innecommen/ ofte met sul-
ke andere penen als by onse Rechters ghestatueert sal worden: En by
aldien sy hen dies hebben onthouden den tijt van zes maenden/ Willen
wy dat sy verclaert sullen worden vervallē te zijn inde penen begrepen
in onsen

in on
cond
ken
bete
estir
hen
ghe
sen
dat
ghe
van
de
der
sta
pe
wi
be
tin
be
se
E
on
bi
G
hy
ri
d
v
u
o
r
L
r
l


in onsen voorsz Placcate: en nochtans beerthien daghen na de voorsz
condempnatie by certificatie van haerlieder Bisschop sullen doe blij-
ken vande versoeninghe by henlieden ghedaē metter Kercke/ende mits
betalende een Jaer incommens van heuren goederē/volgens de voorsz
estimatie/om verstrekt te worden inde lasten vande oorlogen/sullen wy
henlieden versien na ons goetduncken. Ende vooz soo veele aengaet de
ghene die vertroockē zijn wt onsen voorsz Coninckrijcke/obedierende on-
sen voorsz Placcate / mits diē dattet niet behoorlijcken en soude wesen/
dat syhyden hen afgesondert hebbēde van onse voorsz Religie/souden
ghenietē alle heure goeden/en exempt zijn vande lasten en contributien
van desen Coninckrijcke / en volgens van beter conditie dan onse goe-
de Catholijcke onderdanen/en dattet wel te presumieren staet/dat sylie-
den ghenietende de gheheele incōpste van hare goederen/daermēde by-
staen en assisteren die van hunder opinie / en die hynlieden opghewor-
pen hebben teghen ons / Willen en ordonneren wy dat gheprocedeert
worde niet nieuwwe aentastinghe van alle de goederē der ghener die hen
vertrocken/en daer te vooren vande selue verwozen hebbē handtlich-
tinghe/wt crachte der certificatiē die sy gesonden hebbē vander plaetse
van haerlieder residentie: En dat sy sullē bedwonghen worden ouer te
senden binnen een maent na de publicatie van desen teghenwoordigen
Edicte/andere en nieuwwe certificaten vander plaetsen daer sy hun nu
onthoudē/de welcke (om te verhinderē alle suppositien en subornatien
van persoonen en namen) sullē onderteekēt moeten zijn met heurer ey-
gener handt/so wel in groue als cleyne letterē/om deselue gesien zijnde
hynliedē provisie verleent te wordē vā het vierendeel alleē van hare in-
cōmende goederen/om daer van te moghen ghenietē tot heurlieder on-
terhout/door de handē vande Commissarisen geordonneert ouer de rege-
ringhe en administratie vā hare goederē: de andere drie vierendeelē blij-
uende gheaffecteert aende onkosten vander oorloghe die wy tot heurder
oorfakē moetē boeren. En aengaēde de Ministers oft andere die gepre-
dict hebben in desen onsen Coninckrijcke/oft sy schoon vertroocken zijn
byntē tzelue/en gesondē hebbē acte vande plaetse haerder onthoudinge/
ofte goet namēls sullen senden En willen noch en verstaē wy niet dat
hynliedē enige handtlichtinge ghedaē worde vā heure gesaeterde goe-
derē: En al waert dat hen subrexticeijckē oft andersins handtlichtinge
vergūt ware geweest/Wy hebbē deselue verclaert en verclare alnoch/
niet/ crachteloos/en van gheender weerdē / als insgelijcx alle de prolon-
gation die by ons eenichsins hen mogē ghegunt zijn/de welcke wy heb-
ben wederroepen/en wederroepen by desen: Willen en verclaren/dat
niet tegenstaende deselue teghen de ghene die sulcke verwozen hebbē/
gheprocedeert sal worden volgende crigēur van onsen Edicte: Ghelijck
oock ghedaē sal wordē tegen de ghene die sonder eenige permissie ghe-
bleuen

bleuen zijn binnen onsen Coninckrijcke/ en niet en hebben ghebedieert
 onsen voorsz wille en meyninghe. Willen oock en verclaren/ dat alle de
 ghene die hen vertroockē hebben/ volghende onsen voorsz Placcate/ hou-
 dende vā ons eenighe officiē/ sonder vande selue affstant gedaen te heb-
 ben/ vande voorsz officien wordē verlaten/ gelijk wy deselue hebbē ge-
 primeert en verlaten by desen/ verclarēde deselue te vaceren en impetra-
 uen en ghetrouwen/ die vande Houen vande Parlementen/ Baillieus/
 Seneschallē/ Provoostē/ oft hare Stadthouders/ en aen alle onse Juste-
 cieren en Officieren/ en aen een peder van hun voorsz sich seluen soo veel-
 hen aengaet/ dat sy dese onse teghewoordige Declaratie/ wille en inten-
 tie doen wtroepen/ kundigen en inregistreren/ onderhouden en obser-
 veren/ doen onderhouden en observeren volcōmelick en onverbzikelick:
 En onnie sulcx te doe en te lijden/ bedwingen en doen bedwinghe alle
 de gene diet behoore sal/ en die daerom sullē te bedwingē zijn. Bevelen
 daerenbouē onsen Advocaten en Procureurs generaelz van een peder
 van onse voorsz Houen vande Parlemeute/ en hare Substitutten/ inde
 Baillieuschappē/ Senescallschappen/ en subalterne Bancken scherpe-
 lick de handt te houdē totter executie en onderhoudinghe van dese onse
 tegenwoordige intentie/ en ons te verwittighē van het debvoir en naer-
 sticheyt dwelck daerjine de Rechters der plaetsen sullē gedaen hebbē/
 tē eynde so daer eenige wtstellinge ofte conniventie in geschiede dat wy
 daerjine mogen remedieren en voorszien met alsulcke middelē als wy
 sullē binden te behooren: Want ons alsoo belieft. Niet teghenstaende
 eenige Edicten/ Ordonnantien/ Mandamentē/ verboden en brieuē de-
 sen contrarierēde/ dewelcke wy in aensieninghe deses tegenwoordigen
 en sonder prejuditie van andere saken ghederogueert hebben/ ende de-
 rogueren by desen. Coirconde hebbē wy dit onderteekent met onser
 handt/ en daer aen doen stellen en hanghen onsen zeghel.

Begheuen te Parijs dē twintichstē dach Aprilis/ Int Jaer der gra-
 cien 1587. en van onsen Rijke overthiēste/ Onderteekent

H E N R I.

En op de plijcke / Bydē Coninck wesende in synen Rade/ de Neuf-
 ville. en ghezeghelt in ghelu Was met een dobbelen steerte wthangen-
 de. Ende op de voorsz plijcke was gheschreuen:



Ghelesen, ghepubiceert ende gheinregistreert, &c. Te Parijs int Par-
 lament den drientwintichsten dach Aprilis, 1587. Bet onder:

Ghecollationeert teghen den Originale door my Notaris
 ende Secrétaris des Conincks.

cert
e de
jou
heb
ge
tra
n lie
eus/
ust
veele
aten
bser
elick
e alle
velen
pedet
/ inde
jerpe
e onse
naer
ebbe
at wy
ils wy
taende
eue de
gdigen
nde de
t onser
er gra

e Neuf-
angen

int Par-
t onder:

Notaris